

"تأملات إيمانية" .. اللقاء (10) .. #تفسير_سورة_مريم .. د.

حازم شومان

حازم شومان

الحمد لله وكفى وصلة وسلاما على عباده الذين اصطفى. اللهم لك الحمد كله. وبيك الخير كله وبيك الخير كله واليک يرجع الامر كله. اللهم صل على الحبيب محمد صلى - 00:00:00

الله عليه وسلم عدد خلقك ورضا نفسك وزنة عرشك ومداد كلماتك. اما بعد اخواني واحبابي في الله يعني بدون مقدمات النهاردة باذن الله سبحانه وتعالى هنبدأ مرحلة جديدة في هذا الدرس باذن الله سبحانه وتعالى. النهاردة هنبدأ مشروع في غاية الاثر في تربية كل واحد - 00:00:24

واحد منا وكل واحدة مننا انا عايزك تركز معي باذن الله سبحانه وتعالى. لأن ان ربنا فتح علينا في هذا الامر هتبقى نقلة بالنسبة لنا. النهاردة هنبدأ مشروع تفسير صورة منصور كتاب الله سبحانه وتعالى. سورة من سور القرآن. يمكن يا جماعة تكون دي اول مرة نعملها في درس الجمعة - 00:00:44

ان احنا نمسك صورة تبقى سبع تمن صفحات ونبدأ نتدارسها وعلى مدى اربع خمس مرات نخلصها وكل مرة هيبقى الكلام بيتفرغ ويبقى موجود باذن الله. وفي النهاية هنعمل مسابقة في هذه السورة باذن الله سبحانه وتعالى. و هتبقى الجایزة الاولى ايه ؟ الجایزة الاولى ايه ؟ عمرة - 00:01:04

باذن الله سبحانه وتعالى. و هتبقى الجایزة الاولى باذن الله سبحانه وتعالى عمرة والله يضاعف لمن يشاء بقى. يعني الله اعلم لسه فتح ربنا ايه. هنبدأ يا جماعة مع الصورة اللي ملك من ملوك الكفر حينما سمع بعضا من اياتها اسلم ودان بالاسلام. مع السورة اللي كانت سبب في اسلام النجاشي - 00:01:24

الملك النصراني الذي اسلم حينما سمعها. مع السورة التي حاج بها المهاجرون الى الله الى الحبشة. حجوا بها عمرو بن العاص النجاشي وكان سببا في اسلام النجاشي مع السورة التي انزلها الله قبل هجرة الحبشة كتمهيد عشان - 00:01:44

حب المؤمنين على معنى التضحية. على معنى البذل على ان فيه ناس ممكن تسيب كل حاجة عشان ربنا مع سورة مريم باذن الله سبحانه وتعالى. عايزين كل واحد منكم امسك المصحف بتاعه بقى كل واحد يطلع مصحف الجيب بتاعه. ها شف هو في جيبك اليمين ولا في جيبك الشمال ولا في جيب القميص ولا ايه بالظبط. مصحف الجيب بتاعك فين ياد - 00:02:04

المصحف فين ياه الله! وكمان مش عايزين تتكلحراتوا وتقوموا تجيبيوا مصحف! يعني لا معكم مصحف ولا متكلحرتين كمان! يلا يا سيدى يلا اخواتنا تحت بقى ربنا ببارك فيهم ويحفزهم. كل واحدة تقوم تفز كده تجيب لها مصحف. ها يلا. كمان - 00:02:24 ما شاء الله وكتاب الله اجمل منظر نفسي اصوريه دلوقتي. اللي لا معهم مصحف ولا قايمين يجيبيوا مصحف. وقاعددين بيصوا ويبيسموا. مش عارف بيبيسموا ليه مش عارف سر الابتسامة دي وراها ايه. جميل جدا جداها بنتقدم اهو الله اكبر الايدي تمتلى بالمصحف. المنز - 00:02:44

الرائع اللي ان شاء الله الفاتحة هييجي للامة لما يحصل منز فتحة المصحف. يوم ما نمسك المصحف ونفتحه بقلوبنا المنز ده معناه في الواقع باذن الله سبحانه وتعالى هو ده المنز اللي احنا ان شاء الله باذن الله نستبشر به في البداية وهو ده المنز اللي اليوم ما يحصل في بيوت كل واحد - 00:03:04

وكل واحدة مننا لما يروح يفتح المصحف ويعيش مع كتاب الله. ففتحة المصحف معناها فتحة على قلبك. معناها فتح ابواب السماء لك بعد الموت معناها فتح ابواب الجنة معناها فتح قلوب الناس في الواقع لنا بازن الله سبحانه وتعالى. يلا يا اخوانا بقى خمسة جد كده ان شاء الله - 00:03:24

بازن الله هنبدأ قافلة في وقفات مع سورة مريم بازن الله سبحانه وتعالى. الخطة المبدئية ان احنا هناخد تفسير السورة في خمس مرات بازن الله سبحانه وتعالى هناخد النهاردة مقدمة بازن الله. المرة الجاية هناخد قصة زكريا ويحيى بازن الله. المرة اللي بعدها ان شاء الله هناخد قصة - 00:03:44

مريم وعيسي بازن الله المرة اللي بعدها هندخل في قصة ابراهيم وسنقف بعدها وقفه اليمة دامية مع قول الله سبحانه وتعالى فخلف من بعدهم خلف اضاعوا الصلاة. هنقف مع حملة كبيرة بازن الله سبحانه وتعالى ساعة ما تيجي هقول لكم عليها ثم سنتائف - 00:04:04

الحرب الشاملة على جميع انواع الباطل. طلقات الرشاش القرآني على جميع نوعيات الباطل في النص الثاني من السورة. الحرب التي لم تظهر نوعا من انواع الباطل على الارض ولا جنديا من جنود ابليس في الارض. الحرب الشاملة في النصف الثاني. النصف الثاني فتح النيران على النصارى وعلى المشركين - 00:04:24

وعلى الملحدين وعلى العلمانيين وعلى الفاسدين وعلى الفاجرين. جميع محاور الصراع. لأن النص الاول بيكون بطل. النص الاول كله في حريم بيخليلك بطل بيخليلك بطلة. لو احنا عشنا بقلوبنا مع صورة مريم يا جماعة هتغير حياتنا تغيير شامل وكامل. من الوقت بازن الله - 00:04:44

هناحاول ان احنا يبقى لنا منهجه. هناحوال ان احنا كل كذا اسبوع يبقى معنا صورة خلصناها وحفظناها وفهمناها وصلينا فيها قيام ليل بعد كده ان شاء الله بازن الله نقوم داخلين على حملة شبابية ننزل الواقع بعد ما اتشحنا بعد كده نرجع تاني بقى ندخل - 00:05:04 المحراب تاني مع صورة او مع تلات او اربع اسماء من الاسماء الحسني. بعد كده بازن الله نقوم نازلين حملة شبابية تاني. بعد كده نرجع تاني مع صورة وهكذا يا اخواني نتربي بحق وحقيقي. نتعلم بحق وحقيقي. عشان الموضوع يبقى علم بحق وحقيقي. الكلام ده هيترغ هيكتب. هتشتروه - 00:05:24

بازن الله بطمnen التكفلة طبعا. هتمتحنوا فيه بازن الله سبحانه وتعالى بجانب تفسير ابن كثير طبعا. في سورة مريم هتقرروا فيه ان شاء الله بازن ده هيتعمل تحفيز فيه. آآآ كمان وفي النهاية هنعمل امتحان ويكون الجائزة الاولى عمرة بازن الله سبحانه وتعالى. وانا بسعى كمان ان يبقى - 00:05:44

في عمرة اخرى عشان الكائن يبقى مسلا عمرة للرجال وعمره للنساء. او آآآ دايما الاولى بيبقوا ستات. فلازم نحمي حز الرجاله ونضمن ان في للرجاله واحدة للستات عشان يا جماعة عشان يعني الا بقى ان خلاص وقف حظنا عند هذا. اخواني واحبابي في الله استعدوا للانطلاق. هنبدأ الان مع سورة مريم. احد - 00:06:04

اخواني واحبابي كان الدكتور كتب له صنف آآآ اصناف من الادوية. فمن ضمن اصناف الادوية سبحان الله! الحركة دي حصلت مع بس كان في دواء اغلى كمان. فكان في دواء كحة بخمسين جنيه. فالاخ بيقول ان دوا كحة خمسين جنيه مش بتلاتة جنيه ولا اربعة جنيه. فيبيقول كل شوية يطلع الورقة بتاعة البانفليت بتاعة - 00:06:24

في الدواء ويقرأ فيها. قبل الدوا بربع ساعة عايز يتجهز لمراسيم اخذ الدواء بتاع الكحة اللي بخمسين جنيه. فيبيقول لك هو ده القرآن. القرآن هو هو الحاجة الغالية اللي شادة قلبك لو انت عرفت قيمة فتحة المصحف ده دلوقتي. لو انت عرفت فرح الله بالجمع فوق وتحت - 00:06:44

فاتحين كتاب الله. مستشرفين انهم يفهموه. مستشرفين انهم يصلوا علينا من خلال فهم القرآن. يا جماعة ان شاء الله بازن الله فتحة المصحف تبقى فتحة. المرة اللي فاتت قلت لكم بدأنا بالليه ؟ درس المرة اللي فاتت كان ايه ؟ ها هل صليت على النبي اليوم عليه الصلاة والسلام ؟ وقلت لكم احنا عايزين ربنا يفتح علينا - 00:07:04

فهنيباً بالصلاحة على النبي. المرة الثانية احنا بنفتح المصحف وهذا فتح من الله سبحانه وتعالى. سورة مريم يا اخواني في الله امتنى
نزلت سورة مريم ركزوا معي دلوقتي بقى. لأن الوقت قليل والمعلومات اللي مطلوبة كتير - 00:07:24

ودي مقدمة واحدنا ماشيين لنا حيز معين مش هيقدر نتعاده. يعني ما ينفعش مسلا اقوم واحد خمسناشر درس في سورة مريم. احنا
الوقتي عاملين زي بالزبطة كده شركة سياحة عايزه تقول للناس سافروا تركيا. هل بتقوم مصورة للناس شارع شارع وحارة حرة من
تركيا؟ ولا بتتصور بس في - 00:07:40

عشر دقايق اقوى لقطات في تركيا وتعرضها بتعمل ايه ؟ بتتصور حاجات معينة وبعد كده انت لما بتتسافر ترکيا بتتبهر بقى بشارع
شارع وبانواع الاكل وبالناس ويتقابل واحد واحد. وكذلك يا اخواني ها احنا الوقتي بتعمل ايه في الصورة؟ احنا بنتقط اهم معاني
تسقط على الواقع بتاعنا. وبعد - 00:08:00

كده انت بقى لما هترتبط بالقرآن هتعيش مع كلمة كلمة. هتعيش مع اية اية. لعل حد مننا يبقى زي ابو سليمان الدراني الذي كان يقوم
الليل لكل خمس ليالي بایة. الاية في خمس ليالي. يعني سورة الزلزلة يقعده فيها شهر كامل. عشان يقوم الليل بسورة الزلزلة. سورة
مريم نازلة امتنى - 00:08:20

صورة مريم يا جماعة نازلة قبل سورة طه. سورة طه ديت اللي اولها عمر ابن الخطاب اسلم بسببها. لما سمع فواتح طه اسلم بسببها
يبقى وعمر بن الخطاب اسلم مع بداية هجرة الحبشة. لما اتأسر بتضحيه المسلمين اللي سابوا اوطنهم. ها اتهز قلب - 00:08:40
وده كان من سبب اسلامه. فيه ناس كتير اوي بتتأسر بمشاهد التضحية. لو الملتففين ضحوا لو الملتففين ضحوا عشان الدعوة. لو
شافونا بنضحي بعمرنا عشان الدعوة الى الله الناس كتير اوي في العالم هتهز وتهتمض الى الملتففين. منزرك وانت موقف خمسة شباب
في الشارع بتكلمهم عن ربنا - 00:09:00

وده بيضحك وده مسقع ودانه بيخلطي ميت شاب راكبين في المواصلات وشاييفن المنزد ده قلبه يتهز ويشتغل في الدعوة ليه هو منزد
التضحيه بيهز القلب. منزد ان انا ضحيت بكرامتي وباعتباري عشان الله يذكر. سيدنا عمر بن الخطاب اسلم بسبب فواتح طه. يبقى ازا
- 00:09:20

صورة مريم نازلة قبل هجرة الحبشة. يبقى ازا سورة مريم نازلة في اخر المرحلة الجهرية. يبقى ازا سورة مريم نازلة بعد ما سمية
اتقتل. بعد بعد ما الصحابة اتعذبوا اشد التعذيب. سورة مريم نازلة تمهد لهجرة الحبشة. بتقول للصحابة شوفوا مريم اللي انتبذت
من اهلها - 00:09:40

اللي سابت الدنيا عشان ربنا شوفوا ابراهيم اللي قال واعتلذكم وما تدعون من دون الله. اللي سابت الدنيا عشان ربنا عشان لما هيتنقال
لهم سيبوا الدنيا عشان ربنا روحوا وسط افريقيا وسط اثيوبيا عشان تبعدوا ربنا هناك ما يقولوش لا. يقولوا سمعنا واطعنا. يبقى -
- 00:10:00

فسورة مريم نازلة في هذا الوقت العصيب. كان متوقع في الوقت اللي بيقتل فيه الصحابة زي سمية كان متوقع في الوقت اللي
حرمات الصحابة بتستباح فيه. كان متوقع في في وقت اللي الصحابة بيتجلدوا فيه الوقت اللي خضاض بيتكوى بالنار فيه. الوقت
اللي بلال بيتربيط رجله في الفرس في حر الصحراء ويتسليخ جلده - 00:10:20

والفرس بيجرجه وبيجري في الصحراء فيه. في الوقت اللي الصحابة كانوا بيعذبوا فيه. كان متوقع السورة تنزل بتتكلم عن
الاصطدام باهل الباطل. نفاجي ان السورة كلها كلام عن العبادة. كلها صوامع وعبادة. كلها كلام عن الدعوة الى الله. كلها كلام عن التربية
وثمرة التربية. كلها - 00:10:40

عن دعوى عن جهد على النساء. كلها كلام عن الدعوة الاسرية وبناء الاسرة المسلمة. كلها كلام يعني ايه ؟ اوعوا تستفزوا يا جماعة ان
سورة مريم رسالة لنا. اوعوا تكفروا بمنهجكم ساعة ما الواقع يضغط عليكم. اوعوا لما تلاقوا اهل الباطل توحشوا ضد اهل الحق.
تخرجوا عن خط - 00:11:00

السير بتاعكم في الدعوة والتربية والتواصل. وكلمة الحق في وجه الظالمين. اوعوا تكفروا بمنهجكم. اوعوا تلتجأوا لحلول بدل ما

تقدم الدعوة تأخر الدعوة لورا سنين. يبقى اذا احنا محتاجين السورة دي او ي يا جماعة. محتاجين الصورة اللي نازلة في نفس الواقع
اللي احنا عايشينه النهاردة - 00:11:20

محتاجين الصورة اللي بتتكلم عن اخطر بقعة على وجه الارض شهدت احداث سياسية دامية. القدس القدس سنة صفر ميلاديا. صفر ميلاديا في الفترة اللي كان الرومان محتلين فيها اربع اخماس الكرة الارضية. في الفترة اللي كانت - 00:11:40
انسان في كل مكان. في الفترة اللي اليهود واهل فلسطين فجروا اشد الفجور. في الفترة اللي سيدنا عيسى كان بيصرخ في شوارع القدس يا اورشليم يا قاتلة الانبياء وراجمة المرسلين. في الفترة اللي الناس بعدت عن الدين بعد لا يتصور السورة - 00:12:00
جائية الانبياء. الرابط ما بين قصص الانبياء دي كلها ان كل دول اتعرضوا للقتل. الرابط ما بين قصص الانبياء دي كلها ان كل الانبياء دول عاشوا في واقع سياسي رهيب. وعاشوا في واقع اجتماعي محتمد. وعاشوا في واقع شهوات قاتلة. عشان يا اخواني - 00:12:20

اخواتي لما بيجي النهاردة واحد يهق على الفيسبوك وينكر ويتنكر لمنهج الدعوة الى الله يروح الاول يشوف الانبياء عملوا ايه لما عاشوا في نفس الواقع احنا ما بنرسمش خط سير نصرة الدين بدماغنا. احنا بنتلقي من القرآن وبنفهم من القرآن وبنمشي. بناء على هدي - 00:12:40

القرآن هنشوف الوقتي سيدنا عيسى لما شاف زكريا نشر بالمنشار لما شاف يحيى زبح من اجل راقصة فاجرة. انتم عارفين يعني ايه ؟ انبياء عاشوا في واقع.نبي يتدبّح عشان راقصة في شارع الهرم. راقصة في شارع الهرم. تخيل مسلا - 00:13:00
يعني انا مش هقول لكنبي واحدة زي الشيخ الشعراوي. تخيل لو ذبح من اجل راقصة في ملهي ليلي. المجتمع هيعمل ايه الوقتي ؟ تخيل بقى المجتمع وقتها اللينبي اتدبح عشان سلوم العاهرة وما حدش من المجتمع اتحرّك. تخيلوا الفساد كان وصل لدرجة ايه ؟ تخيلوا ما تقوليش بقى ما هو - 00:13:20

اباحية وما تقوليش بنات متبرجات ماشيين بالستراتش استرتش مين يا ابني ؟ ده انا باقول لكنبي اتدبح عشان عاهرة والمجتمع ساكت. ده انا باقول لكنبي حكم عليه اعدام حرقا. سيدنا ابراهيم والمجتمع ساكت.نبي حكم عليه بالاعدام صلبا. سيدنا عيسى والمجتمع ساكت. يعني شف - 00:13:40

نبي اعدام صلبنبي اعدام حرب. يعني الغل اللي في اهل الباطل على اهل الحق شكله ايه. ودرجته ايه في الواقع ده ؟ هنشوف البطولات بتاعة الانبياء دول في الواقع ده هنشوف السورة دي الانبياء عملوا ايه هنشوف السورة دي المنهج ايه هنشوف في الواقع لا يقل سوءا - 00:14:00

بل يزيد عن الواقع اللي احنا عايشين فيه. الانبياء كافحوا قد ايه ؟ الانبياء نزلوا وصرخوا بين ظهراني الناس بالدعوة الى الله. لحد ما ايقطوا القلوب الصوم لحد ما ايقزوا القلوب الغافلة قد ايه. هنشوف مع بعض يا جماعة المنهج ونواجه نفسنا بمنهجانا. ونبدأ نقيس على نفسنا احنا - 00:14:20

احنا على الطريق ولا مش على الطريق عايزين يا شباب تبقو مع دول في الجنة لازم تمشوا على الطريق اللي مشوا فيه. عايزه تبقي مع مريم اللي الصورة اتسمت باسم - 00:14:40

اسمها في الجنة لازم تبقي ماشية على الطريق اللي هي ماشية عليه. هناخد قدوات في الزمن اللي القدوات بتاعة الناس المغنى والممسل ولعيب الكورة والعلماني والملحد والفاجر هناخد القدوات الحقيقة. هناخد القاء القواد الحقيقيين للمسيرة بتاعتنا - 00:14:50

الى يوم القيمة يبقى اذا ده وقت النزول. سورة مريم بتقول ايه ؟ اول حاجة في سورة مريم يا اخواني في الله. يعني سورة مريم عاملة زي ايه ؟ انتم عارفين بالظبط - 00:15:10

كده لما اقول لك مسلا ايه ده اللي عرف يوصل لراجل الاعمال الفلانى ادى له عربية وادا له شقة وادا له في الله وعيته بخمسة شاش الف جنيه في الشهر. واوى. فانت لما تسمع الكلام ده. طب اوصل له ازاى ؟ اهو بالزبط كده. سورة مريم بتقول لك - 00:15:20

اللي وصله لربنا ربنا عمل لهم ايه؟ اللي نالوا حب ربنا ربنا ادى لهم ايه؟ ماذا لو واحبك الله ماذا لو احبك الله؟ سورة مريم بتتكلم عن علاقه باهرا عن علاقه مذهبة ما بين العبد وما بين ربه اعظم - 00:15:40

في غفلة في الدنيا ان يبقى في عباد قاعدين الوقت بيتنزل عليهم عطاءات باهرا. عطاءات باهرا وهم في هذا الوقت في تنزل عطاءات البيانه ديت فيه ناس زينا قاعدين غافلين مش فاهمين حاجة. جاي من خطبة الجمعة النهاردة وانا في الطريق كده فجعاني اننا - 00:16:00

انا والاخ اللي سايق بي جعاني يعني فاطرين آآ بعد الفجر بقى جمبرياية تقريبا كده. حاجة كده يعني خفيفة كده وايه وآآ يعني كنا مع بعض المهم راجعين هنموت من الجوع في الطريق فرفعت ايدي واحنا في السفر قلت اللهم ارزقنا يا خير الراذقين. المهم العصر كده ربنا يرتب لنا امر وانا راجع - 00:16:20

اقيت العربية ورا شنطة العربية والكتبة الخلفية مليانة اكياس وجبات اكل. فيبيقول له ايه ده؟ قال لي كل اللي على الكتبة بتاع كل اللي في الشنطة بتاعي. قلت له الكلام ده جه منين؟ انت عملت ايه؟ قال لي مش قلنا اللهم ارزقنا يا خير الراذقين - 00:16:40 ربنا رزقنا يا اخي. فسبحان الله! طبعا الموضوع يعني مش مش حاجات اعجوبة ولا حاجة في الموضوع. يعني فيه قصة بسيطة ولكن فعلا انا تعجبت والله جماعة قلت يا نهار ابيض! هو الدعاء مستجاب الوقتي! ارفع ايديك يا عم ندعى ربنا. يا ماذا لو احبك الله؟ ماذا لو احبك الله - 00:17:00

وتعالى لو ربنا حبك. انا عايزكم دلوقتي بقى من ذاكرتكم في سورة مريم. انا عايزكم دلوقتي رجال ونساء وشباب وبنات على النت وفي المسجد. انا عايزكم دلوقتي تقولوا بتقولي ايه الالفاظ العظيمة اللي وصف بها الله حينما يحب في صورة مريم. عبد من العبيد. ها ايه الالفاظ؟ ها - 00:17:20

اول حاجة الحنان وحنانا من لدنا. تاني حاجة ها الرحمة ذكر رحمة رب ربك عبده زكريا. تالت حاجة يالا بسرعة. الواد الواد ان الذين امنوا وعملوا الصالحات س يجعل لهم الرحمن ودا. الود رابع حاجة الحفاوة - 00:17:40 انه كان بي حفيا. رابع حاجة الوهب هب لي من لدنك ولها. تخيلوا يا جماعة لو ربنا احبك. لو دقت بقى حنان الله وحب الله ورحمة الله وود الله وحفاوة الله - 00:18:07

عارفين يعني ايه حفاوة الله؟ الامام القرطبي في كتاب الاسماء الحسنى بتاعه وضع من اسماء الله الحسنى الحفي. قال لك يعني ايه الحفي؟ قال لك زي ما يجي لك البت استقبلني - 00:18:27

حفاوة اكل وشرب زيارة وهدايا وطبيخ وفواكه وعصير وحلويات وحاجة ساقعة. حفاوة. كل ما هتقبل على الله ربنا يستقبلك بحفاوة. الحفاوة مش بس للفاسد اللي جه يلتزم. الحفاوة مقامات الایمان لا حدود لها. كل ما - 00:18:37

همتك هتعلن عشان تترقى في مقامات الایمان كل ما هتشوف حفاوة ربنا بك. كل ما همتك هتعلن عشان انا عايز يا رب انا يا رب انا مش قانع بالمستوى الایماني اللي انا فيه. انا يا رب عايز قلبي يتترقى في الایمان اكتر. انا عايز مقامات يقين اكتر. انا عايز يا رب تبقى - 00:18:57

اسمعي الذي اسمع به. انا عايز يا رب تبقى قلبي الذي اعقل به. انا عايز يا رب تبقى لسانى الذي اتكلم به. انا عايز يا رب تبقى يدي التي ابتشوا بها. انا عايز يا رب تبقى رجلي التي امشي بها. انا عايز يا رب تسد خطواتي. انا عايز معينك يا الله. انا عايز نفسي تزكوا - 00:19:17

طول ما الانسان مجاهد من اجل الوصول الى الله للاسف الاخ اللي بيدرس كتاب فقه وكتاب عقيدة بيعتبر ان حزه من المجاهدة انتهى. بقى شيخ الاخ اللي طلع منبر وادى خطبتيين حلوين بيعتبر نفسه خلاص. لما يقفل عليه باب بيته يقعد يلعب ويقعد يهق جوة بيته ليه؟ بقى - 00:19:37

الاخ الاخ اللي بقى داعية من الدعاة. خلاص نسي انه يجري على دينه. نسي انه يجري في طلب العلم. نسي انه يجري من اجل اصلاح قلبه. ليه بقى شيخ اوعى في يوم من الايام تبقى شيخ. اوعى في يوم من الايام تمرض. اوعى في يوم من الايام تظن انك انت كبرت

جاهد عشان ربنا طول ما هتشوف حفادة الله والله لو الشباب اللي على القهاوي والشباب اللي في التوادي عرفوا يعني ايه انه كان بي حفيها. لا جم المسجد زحف. زحف على وشهم. لو الناس عرفت يعني ايه انه كان بي حفيها - 00:20:17

لو الناس عرفت يعني ايه حنان الله. يعني لو خسرت حنان ربنا انت مش خسرت ان الجمعية بتوزع زيت بالمجان وانت مش عارف مش خسرت ان المحافظة عاملة قرعة على شقق في مساكن شعبية وانت مش عارف. انت خسرت اكبر حب في الوجود. واعظم غنى في - 00:20:37

جود وابكر قدرة في الوجود. واعظم حنان في الوجود. حنان الله. القرآن كله حنان. افعال الله بنا كلها حنان الله سبحانه وتعالى الحنان سبحانه وتعالى. تخيل انت سورة وصفت ربنا بالحنان. وبالولد وبالحفاوة - 00:20:57

وبالرحمة وبالوهب يبقى اول حاجة في سورة مريم ماذا لو احبوك الله؟ ماذا لو احبوك الله؟ سورة بتلهف قلبك على علاقة الحب اللي بينك وبين ربنا سبحانه وتعالى. الحاجة الثانية في سورة مريم عارفين سورة مريم عاملة ازاي يا جماعة؟ عارفين لو انت في عربیتك خمسة لتر - 00:21:17

بنزين بس. خمسة لتر ده يعني اللمة الصفراء نورت. صح ولا ايه؟ المفروض كده ان اللمة الصفراء نورت لو خمسة لتر. ومطلوب انك تسافر لحد امريكا بالعربيه ينفع بالخمسة لتر تروح امريكا؟ ما ينفعش. اهو ده حالي وحالك بالزيط. انت يا ابني غلبان انت عامل زي الخمسة لتر دول - 00:21:37

كمية الطاقة اللي جواك الحقيقية. لا تقدر. انت يا ابني غلبان. يا ابني ده انت نقطه دم تجمد في جسمك. لا عين تتشل. يا زاكرة تفقد يا رجلي تتشل ينص جسمي يتشال يا سمعي يروح والعياذ بالله. يا ابني انت غلبان. ده انت بتتقلب على السرير تمنتاش مرد وانت نايم. لو ربنا سابك مرد هتفع - 00:21:57

على وشك هيتكسر عضنك فيها. يا ابني انت غلبان. وعايز تروح امريكا. المطلوب منك كبير جدا رغم انك ضعيف. مطلوب منك بر والدين. مطلوب صلة رحم. مطلوب منك بر جيران. مطلوب منك قيام ليل. مطلوب منك صيام نهار. مطلوب منك عبادة. ودعوة وطلب علم. مطلوب منك تلاوة قرآن. مطلوب منك تحافظ - 00:22:17

اوراdek. مطلوب منك حسن خلق. مطلوب منك سعي على رزقك. مطلوب منك اصلاح قلبك. مطلوب منك تزكية نفسك. مطلوب منك تجديد التوبه من ذنبك طب انا طاقتني ضعيفه اعمل كل ده ازاي ؟ اهو ده مدد الله سبحانه وتعالى. اهو ده بقى عشان تعرف اني - 00:22:37

دون مدد الله مش هتقدر تعمل حاجة. زي الاخت اما بتتجوز. جوزها طالب طلبات. وهي حامل. وعييل على ايديها. وعييل قاعد يعيط جوة. والدنيا اتكبست عليها ووالدتها زعلانة انها ما بتتفوتش عليها. وصاحباتها مقولين انها ما بتردش عليهم. ومش عارفة تيجي درس ولا عارفة تحفظ قرآن ولا عارفة تعمل - 00:22:57

حاجة الدنيا متكربيشة عليها الحل مددك يا الله الحل مدد الله يعني ايه مدد الله؟ يعني خالد ابن لما في غزوة مؤتة مسك تسع سيف اتكسرموا في ايده وايده ما اتكسرتش. جاب القوة دي منين ؟ اهو دا مدد الله. علي ابن ابي طالب في خير لما مسك باب - 00:23:17
حصن بايديه وعمله درع جاب القوة دي منين ؟ حد يقدر يمسك باب الجمعية الشرعية ده يعمله يعمله درع ويحارب به مدد الله. سيدنا محمد لما قعد تلات ثياب في رمضان مواصل الصيام. يعني اشرب بق مية المغرب ويكمel لثاني يوم المغرب من غير طعام ولا شراب. تلات تيام وقاعد يصلي طول الليل - 00:23:37

ويمارس مهامة العبادة والدعوة طول الليل والنهار. جاب القوة دي منين مدد الله. سيدنا موسى لما قعد اربعين يوم على جبل الطور بلا طعام ولا شراب ازاي مدد الله؟ سيدنا يونس لما قعد تلت تيام في بطن الحوت يصلي ويسبح ويستغث بالله بلا طعام ولا - 00:23:58

شراب في هزا المكان الموحش. جاب القوة دي منين ؟ مدد الله. سيدنا جبريل لما شال سبع قرى على جناح واحد وخفف بهم الارض

جاب القوة دي منين؟ مدد الله. مدد الله يا اخوانا هو ده. النقطة الثانية في الخيوط بتاعة سورة مريم. ما - 00:24:18

اذى لو تولاك الله. ماذا لو تولاك الله؟ قضية ولاية ربنا للصالحين. السورة مليانة عطاءات. عشان كده سبحانه الله الواحد بيحب قوي سورة مريم سورة الانبياء وسورة الصفار التلات سور دول طول عمر الواحد من وهو طالب بيدوا للواحد امل في الحياة. لأن كلهم كمية عطاءات مهولة من الله. مقابل - 00:24:38

العبادة عطاءات مهولة من الله. طب حد يقدر يقول لي العطاءات اللي في سورة مريم كده ها يلا بسرعة مسابقة تانية اهو. طلعوا العطاءات اللي في سورة مريم طلقوا برضه انه كان بحفيه ماشي وايه كمان؟ ها يلا ذكر رحمة ربك عبده زكرياء. ها؟ هو علي هين - 00:25:08

زكرياء انا بشرك بغلام. واتيناه الحكم صبيا. ها فكلي واشربي وقرى عينا. ها يلا يا رجاله وهبنا له اسحاق ويعقوب وكلنا جعلنا نبيا وووهبنا لهم من رحمتنا وجعلنا لهم لسان صدق عليا. قرب - 00:25:28

اولئك الذين انعم الله عليهم. ايه كمان؟ س يجعل لهم الرحمن ودا. ايه كمان فكلها السورة اولها بشري وآخرها بشري اولها ها يا زكرياء انا ايه ان ايه؟ نبشرك وآخرة فانما يسربناه بلسانك لتبشر به المؤمنين. السورة بدايتها بشري ونهايتها بشري. السورة بتقول لك افرح. السورة - 00:25:48

بتقول لك الطريق ده جميل. السورة بتقول لك طول ما انت في ولاية ربنا افرح وابشر واقبل على الله. سورة بتبيهنا بالعلاقة رهيبة التي بين الله وبين اولئك. ماذا لو تولاك الله؟ عايزين ننقل بسرعة يا جماعة الخيوط لان الخيوط كتير او - 00:26:15

الخيوط التمهيدية التعريفية بالصورة. الحاجة الثالثة في سورة مريم يا جماعة. سورة مريم عرض مذهل. يعني على سبيل المثال. الوقت كل الناس بترزق ولا ما بترزقش بترزق ولكن ده بيرزق في شكل مرتب وده آآ دكتور جا له كشف وده مهندس جا له مصلحة وده - 00:26:35

ده واحد جا له شغلانة فكل الرزق بأسباب. فالناس من كتر ما الرزق كله بأسباب فيه حجاب اسباب. فالناس قلها تعلق بالأسباب ونست الفاعل حقيقي وهو الله. فاحيانا ربنا بيكسر السنن ليذكر الناس بالفاعل الحقيقي وهو الله. سورة مريم بقى - 00:26:55

رفعت حجاب الاسباب. سورة مريم عطاءات بلا اسباب. سورة مريم تهتك الحجب عرض مذهل لواحد تسعين سنة وبيرزق ولد. عرض مذهل لواحدة بترزق ولد بلا زوج. وهي بتتأوي الى النخلة. ربنا - 00:27:15

نفس الاية اللي حصلت معها. اوت الى جزع نخلة ميت. ربنا قال لها اهزيه. طب يا رب ده جزع نخلة ميت في لحظة اسمر وطلعت الرطب وتساقطت عليها الرتب بدون ما يؤبر النخل بدون ما يلتح النخل بدون تلacci ذكر وانشى - 00:27:35

النخل طلع زي ما انت بدون طلاق ذكر وانشى حملتي. وزي ما حملة جيه على طول ممكنا في كثير من الاقوال انها لم تمكث تسع شهور اهو النخلة دي برضو في سوانى طلعت الرتب واسقطتها عليك. الله قادر يا جماعة. السورة كلها معجزاتنبي بيتكلم في - 00:27:55

مهد في المهد. طب احبابه الصوتية وعضلات الحنجرة. طب ازاي؟ الله قادر سبحانه وتعالى.نبي يترمي في النار ويطلع منها سليم. ازاي الله سبحانه وتعالى قادرنبي يرفع في السماء. الله سبحانه وتعالى قادر بيقى صورة مريم يا جماعة صورة هو علي هين. صورة - 00:28:15

تراك بتطمعك في ربنا. انت عارفين يا اخوانى يعني الواحد بيحاول يرتب حياته. يعني بقى لي سنين بحاول ارتب حياتي. بحالو مليانة تفاصيل عشان تدير حياتك. وتعرف ان الموضوع ده بتاع يوم السبت الفجر. انما النقطة دي يوم الحد الظهر. انما النقطة دي في النص ساعة - 00:28:35

اللي اللي قبل العصر ده وفي الاخر الاخ خالد اللي يعني اللي رزقته من شهر كده الاخ خالد ده علمني والله يا اخوانى اجمل سياسة في حياتي. الواد ده اول ما يحتاج اي حاجة يعمل ايه؟ ما شاء الله لا قوة الا بالله. يقوم فاتح بوقه تلacci نص وشه - 00:28:55

وبقى بوق ويصرخ. انا من يوم ما اتولد ما بزبطش منه لقيا ليل. اللهم لك الحمد. من يوم ما اتولد انا بنام متوكلا قال الله هتصحى

يعني هتصحي. اول ما يحتاج اي حاجة يعطي. يعطي ده البيت كله يتقلب. ممكن يكون بيعطي عشان جعان. ممكن يكون بيعطي -

00:29:15

عشان نمل قرصته. ممكن يكون بيعطي لانه مدايق انه نايم ما حدش شايله. ممكن يكون بيعطي ؟ ما انتاش عارف بيعطي ليه ؟ ولازم تعرف ولازم البيت كله يكتشف والبيت كله اتقلب. قلت الله! طب ما تخليك ذكي يا جدع انت. بدل ما تقدر تخطط. طب ما تعطي انت كمان. ما تعطي. اقف - 00:29:35

بين ايدين ربنا واعيط. كل ما تحتاج حاجة عيط. والله يا اخواني اروع سياسة في الحياة. سياسة تعطي ابك له كل حاجة بمعنى كل حاجة. بصل كل حاجة دي كلمة تشمل كل - 00:29:55

شيء في حياتك كل تفاصيل وكليات وجزئيات ومجملات حياتك. كل شيء. عيط جت لربنا. تعرف تعطي لربنا. سورة مريم انا لا انسى تعليق احد من فسروا السورة. ها وهو مذهول بيقول انا كنت ابص للصورة وانا صغير - 00:30:15
مزهول ايه المعجزات دي كلها؟ عشان كده الصورة دي هترزز اليقين في قلبك. لماذا عاملهم الله بلا اسباب؟ ربنا عامل دول بلا اسباب ليه انهم عاملوا الله بلا اسباب. لأنهم ارتفوا في اليقين الكامل. فربنا عاملهم ربنا عاملهم بمعاملة غير البشر لأن - 00:30:35
عاملوا ربنا بمعاملة غير البشر. قضية كبيرة اووي. النقطة اللي بعد كده طيب يا عم يعني ربنا ولايته جميلة وربنا حبه جميل. وربنا سبحانه وتعالى اصطفاؤه جميل. طب ازاي كيف يتولاني الله - 00:30:55

اه كيف ما هي السورة بتقول لك ربنا عمل للصالحين ايه؟ والصالحين عملوا عشان ربنا ايه؟ نقطة مهولة يا جماعة نقطة عمله عشان ربنا ايه؟ مش باقول لكم انها نازلة قبل هجرة الحبشة عشان بعد اسابيع او شهور هيتقابل للصحابة سببوا مكة سببوا تجارتهم -

00:31:11

سببوا اوضاعكم المستقرة سببوا اهلكم. سببوا دنيتكم وها جرم اللي مراته لست كافرة يسببها. اللي اولاده ما اسلموش يسببهم. اللي امه وابوه كفروا يسببهم سببوا اوطنكم وروحوا عيشوا وسط ارض الغرباء البعداء. عيشوا فيها سنين. اعبدوا ربنا لحد ما ربنا يفرجها علينا ببيئة ايه - 00:31:31

يمكن لنا فيها وهي المدينة المنورة. يا اخواننا انا عايزك تتخيل معي كده الصحابة اتردوا على معاني شكليه. سيدنا زكريا واحد عنده تسعين انسانة وواقف يقول ربباني وهن العظم مني واقف يصلي. ولسه له تلاتين سنة كمان قبل ما يموت. سيدنا زكريا نشر بعد - 00:31:51

تلاتين سنة من الموقف ده في ذات الله من اجل كلمة الحق. سيدنا يحيى اللي عايش في الصحراء عايش على العسل البري وعلى الجراد. عليه السلام سيدة مريم يعني عليها السلام. السيدة مريم دي يا اخوانا اللي اتسمى باسمها السورة. السيدة مريم التي سمي باسمها السورة. انت عارف - 00:32:11

يعني ايه؟ يعني يعني من وسط العمالة زكريا وعيسي ويحيى وابراهيم وموسى وادريس من وسط العمالة دول مريم هي اللي اتحط اسمها على الصورة. معناها ان مريم ايه؟ معناها ان اي مستوى ايماني وصلت له هذه المرأة وصلت له - 00:32:31

هذه المؤمنة بالله سبحانه وتعالى. اي مستوى لما تشفوف سيدنا عيسى سيدنا عيسى يا اخوانا استحمل عشان ربنا ايه؟ سيدنا عيسى لما كان يصرخ في اهل القدس يا اورشليم يا قاتلة الانبياء وراجمة المرسلين. معناها انه شاف انهم عملوا - 00:32:51

قالوا ايه؟ عملوا في سيدنا زكريا وسيدنا يحيى ايه؟ ومع ذلك اشتغلوا. سيدنا ابراهيم جه في بلد الكلام ربنا جريمة يعاقب عليها القانون بالاعدام حرقا. الكلام عن ربنا. يعني انت دلوقتي مسلا ممكن يكون فيه حاجات لو انت - 00:33:09

ده هيحصل اصطدام مسلا باهل الباطل او بالظالمين. سيدنا ابراهيم كان مجرد الكلام عن الله معناه الاعدام. انت متخليل! سيدنا موسى كان الحاكم بيقول انا ربنا. والعياذ بالله. يعني انت متخليل الواقع الذي عاش فيه هؤلاء. انت متخليل - 00:33:29

واستحملوا عشان ربنا ايه سيدنا ابراهيم ساب الدنيا كلها واعتنزل. واكتر واحد لف الارض عشان ربنا. السيدة مريم انتشت من اهلها مكانا شرقية سابت عشان تنفرغ لعبادة الله. عشان كده السورة مليانة تضحيات. السورة مليانة مجاهدة في ذات الله. عبادة التضحية

اللي معظم الملتزمين والملتزمات لا يعبدون الله بها. ودي العادات اللي فتح ربنا بيتنزل تنزل على اصحابها التضحية وعبادة المجاهدة. انك انت تتعب عشان توصل لربنا. انك تضحي عشان توصل لربنا سبحانه وتعالى - 00:34:09

القضية دلوقتي ان يعني قبل ما ندخل بقى في يعني اخطر نقطة تهمنا الوقتي في سورة مريم وهي علاقة الصورة الواقع اللي احنا فيه. الرسائل اللي الصورة بتبعتها لنا. عايزين نتكلم عن نقطة واحدة وهي اسباب الاصطفاء. سورة مريم بتتكلم عن اسباب الاصطفاء. يعني ايه اسباب الاصطفاء - 00:34:29

اشعمني دول اللي ربنا اختارهم؟ وهي جميل في كسب اه يعني في حكمة اه ايه اشعمني دول ان لما ربنا سبحانه وتعالى يقول لك على سيدنا اسماعيل انه كان صادق الوعد وكان رسولا. يبقى ربنا لما بيختار بيختار اهل الاخلاق - 00:34:49

يبقى فيه سبب للاصطفاء. لما ربنا قبل ما يقول وهبنا له من رحمتنا اخاه هارون يقول قربناه نجيا يبقى عبادة المناجاة هي اللي فتح عليه بعدها. لما ربنا مع سيدنا موسى يقول واذكر في الكتاب موسى انه كان مخلصا - 00:35:09

وكان رسولنا نبيا يبقى اللي اخلصوا قلوبهم لله هم اللي بيصطفوا. لما ربنا يقول مع ابراهيم واذكر في الكتاب ابراهيم انه كان صديقا نبيا. يبقى اللي بيوصله لمقام التصديق الكامل واليقين الكامل اللي ربنا بيصطفيفهم. لما السيدة مريم - 00:35:29

ربنا يقول واذكر في الكتاب مريم اذ انتبذت من اهلها مكانا شرقيا. فاتخذت من دونهم حجابا اعتزلت الدنيا من اجل العبادة فارسلنا اليها روحنا. اختارت الله على كل شيء فاختارها الله على كل شيء. فمن اختار الله على كل احد - 00:35:49

اختاره الله على كل احد. ومن صفي قلبه لله. صفي الله له. ومن كدر قدر عليه شيء والعياز بالله. يبقى دي القواعد يا جماعة. ربنا بيصطفى مين ؟ زكر رحمة ربك عبده ايه ؟ زكريا. زكريا اي كثير الذكر. فلماذا - 00:36:09

ما اكثر من ذكر الله ذكره الله برحمته. سبحانه وتعالى. يبقى قضية مين اللي ربنا بيصطفيفهم؟ مين اللي ربنا بيختارهم مين اللي ربنا مع سيدنا ادريس واذكر في الكتاب يا ادريس؟ انه كان صديقا نبيا نفس القضية يا جماعة. نفس القضية. اولئك الذين انعم الله - 00:36:29

جميلة قوي دي قوي قوي. اولئك الذين انعم الله عليهم من النبيين من ذريات ادم ومن حملنا مع نوح. في الآخر كل ده له اذا تتلى عليهم ايات الرحمن خروا سجدا وبكيا. عارف يعني ايه خر؟ يعني زي واحدة - 00:36:49

اضريها بالبلكونة. فقد القدرة في السيطرة على جوارحه. يعني انهار ساجدا مش لا اراديا من كمية الانفعال بجلال الله اللي في قلبه. خرس الجدد وبكية عشان كده سيدنا عمر لما كان يسجد كان يبكي. يقول يا عمر - 00:37:09

هذا السجود فاين البكاء؟ اين البكاء؟ خروا سجدا وبكيا. يبقى اللي هيتحقق المقام ده ربنا هينعم عليه. يبقى اللي هيعامله ربنا صبح ربنا هيعاملهم بهذه المعاملة. يا جماعة صراحة يعني كما قيل سورة مريم الكلام ده ما بيترحش يا جماعة - 00:37:26

الكلام ده ما بيتصوفش. سورة مريم دي علاقة هائلة. ما بين ناس ليس في قلوبها الا الله. وما بين ربنا. سورة مريم دي ناس عاشت عشانه وربنا غمرها بعطائه. ناس عملته بلا اسباب وربنا اداها معجزاته. ناس حبت ربنا بكل زرة بكيانها. وربنا - 00:37:46

ملأ حياتها بالحنان والرحمة والحب والود والحفاوة في كل لحظة في حياتهم. ناس تولاهم الله. ناس اصطفاهم الله ربنا جايب لنا القصص دي عشان نتفرج عليها ونحطها في متاحف. ونقدر نبص كده نبص لمون قدامها ونقول سبحان الله عليه الصلاة والسلام. ربنا ادانا الصور دي - 00:38:06

عشان نقتدي بها. عشان يقول لنا ان اللي عايز يبقى معهم في الجنة يمشي على الطريق بتاعهم ونستكمel بعد اذان العشاء بازن الله. الحمد لله وكفى وسلاما على عبادي الذين اصطفى - 00:38:26

اللهم لك الحمد كله ولك الملك كله وبيدك الخير كله والليك يرجع الامر كله. اللهم صل على عبدك ونبيك محمد صلى الله عليه وسلم. في والاخرين والملائكة الى يوم الدين. اما بعد. قلنا سورة آآآ مريم احدها حصلت سنة كم يا جماعة؟ صفر ميلادها. الوقت ده اللي - 00:38:39

كانت الامبراطورية الرومية ماسكة اربع تخامس العالم. الوقت اللي كان الضلال مستشري فيه في الكرة الارضية هو اللي حصلت وقائع الاحdas في الوقت ده يا جماعة كان فيه حاجتين. اول حاجة ان الواقع مستفز جدا. اهل الباطل مضطهدين معذبين. مطاردين زي ما انت شايفين. يعني الو - 00:38:59

دلوقي ان شاء الله لو لحقنا نتكلم في ترابط الصورة اولنبي سيدنا زكريا مات ازاي ؟ قتل بالمنشار. تانينبي في الصورة سيدنا مين ؟ يحيى. زيج تالت اهنبي في الصورة سيدنا عيسى حكم عليه بالاعدام صلبا وربنا نجاه السيدة مريم. رابعنبي في صورة سيدنا ابراهيم حكم - 00:39:19

بالاعدام حرقا وربنا سبحانه وتعالى نجاه. خامسنبي سيدنا موسى وسيدنا موسى فرعون اصدر حكم مباشر باعدامه وربنا نجاه. سادس نزاروني اقتل موسى. سادسنبي سيدنا اسماعيل. سيدنا اسماعيل اللي كان يذبح اصلا. يعني اللي ربنا سبحانه وتعالى ارى - 00:39:39

ابراهيم رؤيا انه يذبحه وكان يذبح في ذات الله. يعني انا عايز اقول لكم ان الانبياء دول كانوا عايشين في واقع شكله ايه ؟ انبياء دول كانوا عايشين في وقع في - 00:39:59

غاية الخطورة وكانوا شغالين في الدعوة. وكانوا يبطلو الشغل في الدعوة. عشان العشر حملات اللي عملناهم قبل كده في الدعوة الى الله. حملة مش قادر اسكت وحملة آآآ ضوء طعم السعادة. وحملة ما فيش بديل. وحملة فرسان الدعوة. عشان ناخد بنا يا جماعة - 00:40:09

الكلام اللي انا قلت لكم فيها ما فيش بديل. لو ما نجحناش في الدعوة والتربية والاخوة والعبادة مش هننجح بعد كده في حاجة. يا عم ما حدش يقدر يقول ان الجهاد ليس هو السبيل الاعظم لنصرة الدين. ولكن النبي جاهد بعدما نجح في الدعوة والتربية - 00:40:29

لازم الاول يطلع رجاله متربين. نازلين الواقع. لازم الاول يا اخواننا ناخد الطريق صح. ادي الطريق اهو. مرسوم عاشاوا في واقع في غاية الخطورة. وواجههم الظالمين واهل الباطل. ومش بس كده عاشاوا في واقع في غاية الفساد يا جماعة. في غاية الفساد. يعني - 00:40:49

اما راقصات الملاهي الليلية لهم صلات بالملوك ويدبح الانبياء من اجل هؤلاء. والعياذ بالله يبقى معناه ايه يبقى انت عايش في مجتمع شكله ايه ؟ ما تقوليش بقى موقع اباهية وكلبيات وبتاع وكلام فاضي. يا اخواننا الانبياء كانوا في واقع رهيب ومع - 00:41:09
هذا ركزوا في الدعوة وقاتلوا من اجل الدعوة وربنا فتح لهم القلوب بهذا المنهج. الوقت يعني بعد خمسة وعشرين ينایر كان الكلام في الدعوة كلام يعني كانك تؤذن في مالطة. كانك تؤذن في مالطة. لو قلت كلمة في السياسة البلد كلها تقف لك كده ولاقى ودانهم - 00:41:29

وقفت وطرطقت كدهوت ناقص تطلع دخان وهم مركزين معك كده اي كلمة في السياسة مهما جات تتكلم عن ربنا وقلبك يتحرق ما حدش عايز يسمع ما حدش هيسمع الكلام عن الجنة والنار. كان الحل مش ان كثير مننا يستسلم ويترك الدعوة ويشتغل فيما يطلبه المستمعون. الحل ان احنا - 00:41:49

سنقاتل من اجل الدعوة الى الله. زي ما الانبياء عملوا في هذا الوطن. يبقى في فلسطين المحتلة في القدس المحتلة حدست هزه الاحdas. يبقى اذا رسائل يا جماعة رسائل للنبي وللصحابة في الواقع بتاعهم. ولنا في الواقع بتاعنا. رسائل للصحابة. رسائل للصحابة بتقول لهم ايه ؟ اول رسالة - 00:42:09

للحصابة في الصورة اوعوا تكفروا بالمنهج بتاعكم. اللي هي رسالة للاخوة الوقت. اللي هي رسالة للاخوة والاخوات الوقت. اوعوا تكفروا بالمنهج بتاعكم. اوعوا لما تلاقوا اهل الباطل بيتجبروا تكفروا بمنهج الدعوة والتربية. ومنهج الاصلاح وانك لازم وسط الضغوط تنجح الاول في الدعوة والتربية. بعد كده ربنا يأذن لك بجهاد - 00:42:29
الظالمين. ولكن لازم الاول تنجح في الدعوة والتربية. يعني لازم الاول تتبين هذا المنهج العظيم وتنجح فيه لان في احيانا ناس في

وسط الضغط بتکفر بالمنهج بتاعنا. لـأ. عشان کده وانت شایفين سیدنا زکریا في اول قصة قاعد في الصومعة بيصلی - [00:42:49](#)

شایفين السيدة مریم قاعدة في الصومعة بتسبح وشایفين اوعوا تفتكروا ان الدنيا برة كانت هادیة والشوارع فاضیة ده انت لو بصیت من الشباک قلبک هیقف. لو بصیت من شباک الصومعة ده اھی علی الاحداث اللي كانت بتحصل برة والواقعة اللي برة قلبک هیقف. ومع هذا - [00:43:09](#)

احنا لنا خط سیر. لازم نتسلح به ونتعاصی به. وبتمر الايام وبيثبت ان هو ده الكلام المزبوط ما تستناش بقى تدفع عشرين سنة من عمرک تجارب عشان ترجع تقول والله كان هو ده الطريق. صدق الصور والقرآن من الاول. وامش وراء القرآن من الاول - [00:43:29](#)

ما تعاملش زی کسیر من ابناء التیار الاسلامی الان. بیصل للواقع ویتخیل بدماغه حل وبعد کده یلوی اعناق الایات عشان تقول ان الحل بتاعه هو الصح. لـأ انت بص للقرآن. شف القرآن بیقول ایه. وبعد کده انزل الواقع وانت موقن به. وانت مؤمن به. احنا بدأنا الدرس ده بکام یا جماعة؟ احنا الدرس ده - [00:43:49](#)

اتین وثلاثین ستة یا جماعة احنا بادئین الدرس ده بکام ؟ بکام واحد؟ بادئین الدرس ده في ظروف شکلها ایه ؟ الوقت بفضل ومنة الله شف قد ایه على النت وشف قد ایه في الدرس وشف - [00:44:09](#)

صار الدرس بفضل الله حتى برة. یعني وشف بفضل ومنة الله سبحانه وتعالی. يا اخوانا لا نیأس من طريق الدعوة والتربية. انا لاما بشوف ثمرة الورش ثمرة تحفیظ القرآن و بتقابل مع الاخوة فرديا وبطلع على الجهد اللي الاخوات بیعملوه. وبشوف الجهد اللي الاخوة والاخوات على النت بیعملوه انا قلبي - [00:44:22](#)

يرقص فرحا. فيه فعلا ناس بتتربي. فعلا ناس بتطلع. فعلا ناس بتؤمن. یبقى لازم تنجح في دین وربنا ھیستعملک في اللي بعدها انما الاستعجال لن یؤدي الى شيء. ودی الرسالة الثانية. رسالة سیدنا محمد بقى. والان هي رسالة للعاملین لدین الله. سیدنا زکریا یا جماعة - [00:44:42](#)

فاهم سیدنا زکریا نبی عنده فهم الانبیاء. نبی بیهک بفهمه. انا بحس في شخصیة سیدنا زکریا انه راجل الدين لما بیبقي فاهم بیبقي حاجة حلوة اوی. بیبقي رحمة للطلبة اللي بیقعدوا یسمعوا له. بدل ما یضیع لهم عمرهم. لـان في واحد ممکن یوجه طالب یضیع له - [00:45:02](#)

عمره وهو مش عارف بیوجهه في ایه. وفي واحد زی سیدنا زکریا اول قصة قصة زکریا. بعد کده قصة یحیی بعد کده قصة مریم. بعد کده قصة عیسی حد یقدر يقول لي ایه الرابط بين الاربع قصص دول؟ حد من الشباب بتوعنا يقول لي ایه الرابط بين الاربع قصص دول؟ زکریا هو المربی - [00:45:22](#)

والثلاثة اللي بعد کده طلبة اتربوا عنده. تلامذته یحیی وعیسی ومریم. دول طلبة سیدنا زکریا. فربنا جاب المربی في الاول وبعد کده جاب الانبیاء عیسی ویحیی مربی رب انبیاء یا اخوانا. ربنا سبحانه وتعالی جاب ثمرة التربية بالطلاق. التربية - [00:45:42](#) طلع انبیاء یا جماعة. التربية بتطلع ناس ربنا یعمل لها معجزات ویغير لها السنن. التربية عملت طفرات في الواقع حتى لا نکفر بهذا المنهج. فسیدنا زکریا بیشخص الواقع صح. فبیقول ایه؟ هـ؟ بیقول رباني وھن العظم منی واشتعل الرأس شاب. انا - [00:46:02](#) الاب ما عدش قادر اشیل. ولو شلت النهاردة مش هشیل بکرة. وانی خفت الموالی من ورائي. سیدنا زکریا فاهم الواقع. ساعات بیبقي واحد بیدعو بـس مدروش سیدنا زکریا فهم الواقع. الناس دی یا رب مش هینفع تشیل. الناس اللي ورایا لو اـنا مت هـتـخـرـیـها. هـتـخـرـیـها ما فیـشـ الصـدقـ - [00:46:22](#)

الكافی ولا الفهم الكافی للدين. طب الحل ایه هـ لـي من لـدـنـکـ وـلـیـاـ. اـدـینـیـ اـبـنـ یـاـهـ تـعـالـیـ مـرـاتـکـ ما تـحـمـلـ وـلـمـ الـاـبـنـ یـتـوـلـدـ. وـعـلـیـ ما الـطـفـلـ یـکـبـرـ. دـهـ اـنـتـ قـدـامـکـ تـلـاتـینـ سـنـةـ یـاـ زـکـرـیـاـ. اـنـاـ مـسـتـعـدـ اـصـبـرـ تـلـاتـینـ سـنـةـ - [00:46:42](#)

بس ابـقـیـ ماـشـیـ صـحـ. عـشـانـ کـدـهـ دـیـ رـسـالـةـ لـلـنـبـیـ عـلـیـ الصـلـاـةـ وـالـسـلـامـ. اوـعـیـ تـسـتـعـجـلـ. الـاـسـتـعـجـالـ ضـیـعـنـاـ قـدـ اـیـهـ؟ـ الـاـسـتـعـجـالـ قـدـ اـیـهـ؟ـ الـاـسـتـعـجـالـ دـمـرـ مـسـیـرـةـ الـحـرـکـةـ الـاـسـلـامـیـةـ قـدـ اـیـهـ؟ـ سـیدـنـاـ زـکـرـیـاـ رـاجـلـ دـینـ فـاهـمـ وـاحـدـ بـیـرـیـ وـھـوـ - [00:47:02](#)

فاهم يعني ايه تربية واحد يصلح في الواقع وهو فاهم الواقع. وهو عارف بيقول لك هب لي من لدنك ولي ما قلوش يا رب هب لي
مية الف. قاله انا عايب واحد - 00:47:22

00:47:22 مية الف. قال له انا عايز واحد -

واحد ليه ؟ اصل يا رب القضية ما عدتش عدد، الملزمين والملزمات بقوا بالكوم. القضية مش عدد، القضية ان التيار الاسلامي يفتقد الى قادة اديني واحد ارببيه تربية قائد يقود الواقع ده كله للانقاذ يا رب. سيدنا زكريا فاهم يا اخواننا وفاهم ان الموضوع - [00:47:34](#) -
محتاج وقت وبيقول لك اني خفت الموالي من ورائي. يعني ايه ؟ يعني دارس الحركة الاسلامية وفاهم كويس او فيها كواذر تشيل
لو الصف الاول مات ولا ما فيهاش قادر تشيل واحد بيخلط بعد موته. مين فين النموذج ده الوقتي ؟ فين النموذج اللي مش مشغول
بنفسه في الدين ومشغول بالدين - [00:47:54](#) -

بعد موته. قل ضمائر حطت خطة اسرائيل وهي عندها اربعين سنة. في دور هرتزل حط خطة بناء دولة اسرائيل قبل ما يشم نفسها بخمسين سنة يا اخوان عشان كده موشى ديان لما قالوا له ان النبي محمد عليه الصلاة والسلام بيقول ان الحجر هينطق عليكم. قال له انا مصدق هذا الكلام - 00:48:14

لا احنا اليهود اللي الحجر هينطق علينا ولا انتم المسلمين اللي الحجر هينطق لكم. ده احنا ناس من التجرد بنرسم خطة لخمس سميت سنة قدام واحنا عارفين ان احنا مش شوفة وانتم عايشين لنفسكم. قاعدين تهقوا في الشهوات والملذات. قاعدين تجرعوا ورا الدنيا وتعبدوها. انتم اللي الحجر ينطق عليك لكم - 00:48:41

واحنا اللي ضحينا بعمرنا عشان عقیدتنا اللي الحجر ينطق علينا. سيدنا زكريا نبی بيخطط للدين. اني خفت الموالی من ورائي. بیقی
الاذن بعد ما اموت بیقی لازم اربی جيل عشان لما اموت الجيل ده یشيل بعد موتي شایفين التخطيط؟ سيدنا زكريا لما راجل الدين
بیقی، فاهم وهو بیحط خطة التربية - 00:49:01 -

من قبل ما ببشر بيحيى اصلا بيقول يرثني ويرث من ايه؟ من ال يعقوب هخليله ياخذ مني ومن غيري يا رب. مش هقفله علي بس يا رب. مش هقفله علي مش هقول له احضر درس وما تروحش درس ودعاء تانيين. مش هقول له الجماعة دي وما لكش دعوة بجماعات تانية. انا هافتتحه في الواقع. هافتتح له افقه على كا - 00:49:21

الخير اللي في الواقع يا رب. مش التعصب اللي دمر الحركة الاسلامية. والخلاف والتنافر اللي دمر الحركة الاسلامية. كنت لسه بقرأ في اجتياح التتار لبخارى. وقلبي يتمزق. لما الامة اتمزقت وتفرقت ربنا سلط علينا التتار عملوا فيها ايه؟ بخارى بلد - 00:49:41

عايزين نعلف اليهيمتين. عايزين نجوز البت. عايزين نشوف مستقبلنا. وشوية قلة. قالوا احنا لازم نقاتل هنعتصم بالحصن بتاع - 00:50:01

الدب: بق - 00:50:41
المدينه ودخلوا القلعه بناءه المدينه. دخل طبعاً السار حاصلو القلعه لحد ما دبحوا اللي اللي معنضمين فيها بعد كده الناس بقى اللي
خنعت مسکهم دبحوهم واغتصبوا النساء قدام ازواجهم وقدام ولادهم. وولعوا في المساجد - 00:50:21
والمدارس وولعوا في البلد وخدعوا كل فلوس البلد ودبحوا اهل البلد وخربيوا البلد. وخربيوا البلد كل ده ليه وبعد كده كملوا بقى على
بلد بلد من بلاد العالم الاسلامي. كل دول عشان الفرقه. عشان التمزق عشان التنازع. فهو بيقول يرثني وارت من ال يعقوب. لما راجل

لما يبقى فيه ناس فاهمة دين وهي بتشتغل. مش حماس وبس. مش حرايق وبس. مش ولعة وبس. فاهمين تربية. فاهمين انت وجيه
فاهمين ده عشان يبقى راجل يحتاج ايه. لما يطلع موجهين فاهمين وطلبة - 00:51:01

مضحين مش اول ما الاخت يتقدم لها الاخ عليه العوض لا عدت تشووفها. ولا واول ما تشيل عيلين كل دينها ضاع. مش قوي يا اخوانا عايزين سورة مريم نستفيد منها في ديننا. نستفيد منها صلابة لدينا. يبقى سورة مريم رسالة للنبي صلى الله عليه وسلم بعدم الاستعجال. ورسالة - 00:51:20

للنبي صلي الله عليه وسلم بان فيه خط سير زى سيدنا زكريا لما كان شغال فى التربية قبل ميلادون كولية وشغال فى الدعوة خرج

على قومه من المحراب صورة مريم رسالة للأخوات. رسالة للصحابيات. لما يا جماعة المرأة اللي في السورة هي اللي تتسمى باسمها السورة. السيدة مريم دي يعني انت به قومها. شف - 00:51:40

اسد داخل انت ديت زي الريح كده لما تأتي اسد نازل يعني بطلة بتواجه الواقع كله الواحدة. السيدة مريم قالت كلمة لسيدنا زكريا هو من عند الله قلبت حياة سيدنا زكريا بها. وبعدين - 00:52:00

اتوجه الى الله بيهى وسارت الامور كما تعلمون. السيدة مريم ده يا جماعة يعني بطلة. بطلة. دي تلميزة من تلميذات سيدنا زكريا كلما دخل عليها زكريا المحراب كلما صيغة ايه ؟ استمرار يعني معناها ان سيدنا زكريا كان مربى بيتعهد الطلبة بتوعه باستمرار. طب - 00:52:14

السيدة مريم كويسة ومجتهدة في الدين. انت ما لك بها سبها بقى مجتهدة ؟ لا. ده المربى اللي فاهم بيتعهد الاخ النشيط اكتر من الاخ الكسول لان الاخ النشيط ده اللي لو تعهد ده اللي بجد هيطلع من وراه ثمرة. فسيدنا زكريا مربى فاهم تربية عليه الصلاة والسلام. عليه السلام - 00:52:34

الصورة رسالة للمرأة انتم مش قليلين في الوقت الرهيب ده محتاجينكم يا بنتي. في الوقت الرهيب ده الصورة اتسمت مريم عشان تقول للنساء انت دور لا يقل عن الرجال. ما هو لو كل واحد جه يهاجر الحبشة مراته قالت له لا ما اسيبش اهلي. كانت بازت كانت بيقى لازم - 00:52:54

بعدين هيعلى هو كمان. انا انا حزين على كل واحدة قاعدة معنا تحت. وجوزها قاعد في البيت قدام التليفزيون. انها ما قصرتش جوزها انه بيجي. حزين على كل واحدة قاعدة تحت وولادها ما بيصلوش. انها ما قدرتش تكافح عشان ولادها حزين على كل - 00:53:14

واحدة قاعدة تحت وما قدرتش انها تكافح عشان بيتها بيقى مملكة دينية. كل الجو اللي فيه النساء الدينى. حزين على كل واحدة كانت معنا وفقدناها لما اتخطبت ولا خلفت ولا اتجوزت. وما عرفتش تعمل خط احمر لعلاقتها ببيئة الشحن وبيئة الایمان في حياتها. حزين - 00:53:34

يا جماعة حزين على اوضاع الاخوات. حزين على اوضاع النساء الملتزمات. حزين على مستواهم في فن الدعوة. وهم مش قادرین ينزلوا للمتبرجات والبعاد عن دين ربنا. حزين. لما كل ما يدخل واحدة لبسها في مشاكل المسجد نزرات نارية - 00:53:54

تصوب لها من المتقنات كان هم هيولعوا فيها وهيرحرقوها. حزين على مستوى اخواتنا نفسى اشوف بطلات عايزين يخرج منهم سمية. عايزين يخرج منهم ام عماره. عايزين يخرج منهم ام سليم. عايزين يخرج منهم بطلات - 00:54:14

قودوا الواقع الاسلامي ويقودوا الانقاذ في هذا الوقت صورة مريم رسالة من اخر الرسائل اللي فيها بنتكلم عن تلات اطفال. طفل اسمه يحيى اتبناه الحكم صبيا. طفل طفلة اسمها مريم - 00:54:34

انتبشت من اهلها مكانا شرقيا كان عندها تلتاشر سنة. طفل اسمه عيسى وهو في المهد بيقول جعلني مباركا اينما كنت دول اطفالنا. السورة بتقول لكم رب ربهم صح. بل ربنا بيقول ووهبنا لهم من رحمتنا اخاه. كان يأمر اهله. بتقول لكم ابناوا - 00:54:49

ابن اسر مسلمة كل واحد وكل واحدة لازم بيقى اسرة مسلمة. اسرة سلیمة. لازم الناس تبهر بنا يا جماعة. اما لقينا اسر ناجحة اجتماعية. ناجحة في الحب والعاطفة ناجحة في التواصل. ناجحة في تربية اولادها. ناجحة في التزام الرجال والنساء اسر - 00:55:09

مش افراد عشان كده الصورة فيها سيدنا ابراهيم وهو بيدعو ابوه. اوعوا تنسوا اهاليكم الغير ملتزمن. اوعى تنزل جولات في الشارع وانت اخوك قاعد قدام موقع اباهي في البيت سايده. مش باقول لك ما تنزلش الا لما تكلمه. انزل في الشارع وكلمه. اوعى تنطلي في الدنيا - 00:55:29

ووالدتك لسة قاعدة تغتاب الناس عشرين ساعة في اليوم وتتفرج على القنوات العادية. لازم زي ما لنا جهد في الدعوة برة البيت بيقى لنا جهد في الدعوة جوة البيت القصة كبيرة والموضوع كبير جدا. والصورة يعني عظيمة. والصورة محاورها كتير. آخر نقطة -

ومعنا آآ قبل ان نختم اللي هو طرائب الصورة. قلنا الرابط ما بين الانبياء دول ان كلهم اتعرضوا للقتل. قلنا الرابط ما بين الانبياء دول
كلهم عاشوا في مراحل رهيبة - 00:56:09

ولكن صدوا. قلنا الرابط ما بين قصة زكريا وقصة يحيى ومريم وعيسى بعدها ان دول الثلاثة طلبة بتوعه. طلع يحيى مرتبط بيات
الله القرآنية آآ آآ خذ الكتاب بقوة. طلعت مريم مرتبطة بيات الله الكونية. انتبذت من اهلها مكانا شرقيا. مشاهد الشروق. طلع

عيسى مرتبط بالدعوة الى الله جعلني مباركا اينما كنت. دي ثمرة التربية السليمة. دي ثمرة الانفتاح التربوي. ان الناس ما تطلعش
استنباط. الجماعات الاسلامية تقابل اخ في الجماعة الفلانية في مدغشقر وتقابل اخ في نفس الجماعة في باريس اللاتين - 00:56:39
نفس الكلام نفس الافعال اسطمبا نول وبيتنسج عليه. انما التربية السليمة بتاعة الانبياء ما كانتش بتخرج استنباط. كانت بتخرج
نمازج متنوعة كانت تخرج ده يطلع داعية. ده يطلع بتاع اعمال خيرية. ده يطلع بتاع تربية اطفال. ده يطلع بتاع عبادة وصيام وقيام.
ده يطلع بتاع جهاد في سبيل الله. ده - 00:56:59

عالم في في القرآن والحدیس ده يطلع بتاع دعوة شبابية. ده يطلع بتاع معسكرات شبابية. ده يطلع بتاع جولات. ده يطلع بتاع كلمة
حق في وجه ظلم يبقى التنوع لو ما حصلش تنوع يبقى التربية دي فيها مشكلة. يبقى التربية دي تربية استنباط. لو ما حصلش هذا
التنوع سورة مريم - 00:57:19

كم جاية بعد سورة الكهف سورة الكهف سورة كلها حركة سورة مريم سورة كلها محاريب لأن عشان تتحرك وتستمر لازم يتشنح
قلبك بالايمان. صورة هتشحن قلوبنا طب الايمان يا جماعة؟ آآ التفاصيل الحقيقة كتير جدا. صعب ان احنا نستقصيها كلها. ولكن
احنا مشينا على المنهج بفضل ومنة الله اول مرة. ويكتفي - 00:57:39

نجاحا اه في الصورة اللي ذكر فيها اسم الرحمن ستاشر مرة. يعني لو ما عرفتش اسم الرحمن من هذة السورة مش هتعرفه. من
حثة تانية لو ما فهمتوش هنا اه - 00:57:59

اللي النص الاولاني منها بيتكلم عن عطاءات الله لاولياؤه. والنصل الثاني بيتكلم عن عقوبات الرحمن لاعدائه. السورة ديت بين ايدينا
اهي. ربنا ده فتحها لنا اهو. ربنا رزقنا فتحة المصحف اهو. ربنا اكرمنا ومن علينا اهو يا جماعة. اللهم لك الحمد. قدامنا زي ما قلت لكم
الخطة ان النهاردة كان - 00:58:09

المقدمة واتكلمنا قدر الواسع عن المقدمة. طبعا فيه حاجات كتير جدا جدا في التعريف بالسورة ولكن انا مش هقدر ادي السورة
في عشرين مرة يعني انا ملتزم ان زي ما باقول لكم انا عايز ادي اضاءات سريعة كده بحيس ان القلوب ترتبط بالتفسير وبحيس انك
لما تروحي النهاردة - 00:58:29

صل قيام ليل بسورة مريم تقدري قلبك يعيش معها. والمجهود الباقي عليكم. هنعمل ايه بقى يا جماعة؟ ان شاء الله بازن الله الصورة
نفسها الخطة مبدئية والله اعلم هو الذي يسيركم. الخطة المبدئية انها خمس مرات ان شاء الله بازن الله هتخلص على خمس مرات.
و فيه مرتين استثنائيتين في النص - 00:58:49

مش هقول لكم الوقت هيبيقو وقفات مع ايه بس هم ما لهمش دعوة بالصورة. ايتين في النص لازم هنقف مع الموضوع بتاعهم بازن
الله. براهم اية بعد الدرس القاوم يعني الدرس الجاي لأن اللي بعديه ان شاء الله واية هتبقى بعد حوالي شهر. ودي هتبقى وقفه من
اخطر وقفات حياتنا على الاطلاق. مهمة - 00:59:09

هنكالف بها وهتبقى من اخطر وقفات حياتنا بازن الله. السورة هيترج اخوانا على النت بقى الاسود بتاعه النت هيفرغوها فورا. بازن
الله على موقع الله والصورة هتننسق شوية الكلام بتاعها و هتنزل لكم هتبقى مذكرة اللي عايز يشتريها. اللي عايز يشتريها بقى
بتمنها بخمسين قرش - 00:59:29

ولا حاجة هتبقى مذكرة وهتبقى موجودة على النت اصلا. هتاخدوا المذكرة دي وهتزاكروها. مرة بمرة بقى او مرتين بمرتين. وانتم

اصلا بتذاكرنا من تصير ايه ؟ قلت لكم تفسير ايه ؟ ان كثير دا اللي معتمد عندي دلوقتي. اي مختصر لابن كثير ؟ اي مختصر ابن كثير - [00:59:49](#)

كثير لاحمد شاكر العمدة. مختار اي مختصر لابن كثير احنا هنمشي عليه ومش هنخرج عنه ان شاء الله. زائد الكلام اللي احنا شرحناه هنا قبل ما نخلص الصورة هنعمل امتحان عليها. امتحان شامل للرجال وللننساء وللنت برضه لشباب والاخوة والأخوات النت. الامتحان هيبقى ان شاء الله بازن - [01:00:09](#)

لا فيه جوائز. الجائزة الاولى حتى الان عمرة دي خلاص خلصت بازن الله سبحانه وتعالى. ولا زلت نسعى ان احنا نزود امر الجوائز كمان ان شاء الله بازن الله عشان يبقى فيه ايه ؟ حفز يعني غالبا اللي ممكن يكسبها غالبا يعني ان شاء الله هنحاول انه يطلع معنا في [العمره بتاعه شهر واحد اللي هي عمره التربية ثلاثة بازن الله سبحانه وتعالى - 01:00:29](#)

آآ المفروض ان المسابقة هتبقى في فهم السورة وحفظ السورة هتبقى فاهم الصورة وايه وحفظ السورة. فيعني المفروض يا اخوانى ان كان الترتيب ان احنا هنعمل لكم تحفيز قبل الدرس من العصر للمغرب يوم الجمعة للرجال والنساء. ولكن بيدو ان الاخوة اللي يعني [قائمه على هذا الامر يعني ايه ما آآ يعني لم ترتب هذا الامر الى الان - 01:00:49](#)

فيعني هو ايه اللي خلاص طب وما قلتليش لانه خلاص طيب يعني مش المفروض اعرف ان هو خلاص دفعه خمسين جنيه. ماشي. ان شاء الله ساعتين وهنتقابل. بازن الله سبحانه وتعالى. فيه تحفيز - [01:01:14](#)

يا جماعة تصدقوا سبحان الله العزيم! صدقني فيه تحفيز وانا ما اعرفش يعني آآ يعني ما فيش مشكلة الحمد لله ان شاء الله بازن الله بكله هتكبروا وتعالوا ان شاء الله. بازن الله سبحانه وتعالى ما فيش مشكلة لازم نصبر. يعني يعني انا كلفت الاخوة ان ان يتعملا [تحفيز قبل درس - 01:01:34](#)

للرجال والنساء بعد العصر يعني من العصر للساعة اللي قبل المغرب ديت يتعملا فيها تحفيز لسوره مريم ويتعملا فيها كمان مجلس تجويد مع بشمهدس علي زياده مجلس تجويد لسوره مريم كمان. يعني الرجال ييجوا فوق والنساء يجوا تحت. عصر الجمعة من [اول عصر الجمعة الجاية هيبقى المحفوظين والمحفوظات موجودين بازن - 01:01:54](#)

الله سبحانه وتعالى من اجل حفظ وتجويد سوره مريم عشان يبقى انت ايه ماشي آآ في ماشي بالموضع. خلاص خلاص يا اخوانى وصلنا لايده دلوقتي ؟ ها وصلنا ان احنا بازن الله سبحانه وتعالى - [01:02:14](#)

قال يعني اخواننا هبيجوا للتحفيز بعد عصر الجمعة بازن الله سبحانه وتعالى. اه يبقى احنا كده ماشين في حفز مريم ماشين في تفسير سوره مريم بازن الله ماشين في مذاكرتها انتم طول الاسبوع بقى عايشين معها في قيام الليل. يبقى احنا كده بعد شهر خرجننا بصورة. تخيلوا بقى لو كل شهرين - [01:02:34](#)

اتفرجنا بصورة. يعني في السنة خرجننا لنا مسلا بست سور وقمنا جايين في المواسم زي ما عملنا كده في عشر ذي الحجة. عملنا سلسلة في سورة ايه ؟ سورة حاج قمنا مخلصين صورة الحاج وعملنا امتحان عليها في الحفظ وزعننا جوايزه المرة اللي فاتت في [الدرس اللي فاتت. تخيلوا بقى لما كل سنه نخرج لها بسبع تمن سور. تخيلوا بعد تلات - 01:02:54](#)

اربع سنين هيبقى المستوى في العلاقة بكتاب الله ايه ؟ يبقى شدوا حيلكم يا اخواننا شدوا حيلكم ربنا يسدكم. وربنا يفتح عليكم يا رب ربنا يوفقكم. اتفقنا يا ان شاء الله بازن الله متفقين ها خلاص بازن الله سبحانه وتعالى نسأل الله سبحانه وتعالى ان يفقهنا في [القرآن وان يفقهنا بالقرآن وان يجعلنا من - 01:03:14](#)

اهل القرآن الذين هم اهله وخاصته سبحانه اللهم وبحمدك اشهد ان لا اله الا انت استغفرك واتوب اليك. الشيخ علي القاسم بيدعوكم في اه شارع محمد فتحي في مسجد رحمة يوم الاثنين القادم عقد مش عارف عقد ايه بقى تقريرا عقد قرآن هبيجي فيه دكتور عبد الرحمن الصاوي الشيخ علي قاسم الشيخ محمد بسيوني - [01:03:34](#)

بازن الله سبحانه وتعالى - [01:03:54](#)